



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De responsione dilecti, quæ sit ratio recessus sui. XVII.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

tur. Permane firmus in bono proposito, quod instituisti seruare ab initio. Iuuat enim in tali maximè articulo omnem spem praeservare in dilectum. Expecta patienter consolationē cælestem, senties citò vberem gratiam, & Dei respectum. Ecce habes fidelem testem dicentem: *Expectans expectavi Dominum, & respondit mihi.* Psal. 33.

II. Ut autem in proximo illam merearis consequi, interim sæpius ora, & pro te orari supplica; sicque te totaliter eius committee voluntati & ordinationi, ut faciat tecum sicut sibi placitum magis fuerit. Dicasque illi cum bona confidentia: In manibus tuis tempora mea. Tu scis, qualiter mecum sit, tu cognoscis, quid patior; & nunc si vis, citius consolabor. Fiat tamen semper, quod tibi rectum & bonum videtur in oculis tuis, & miserere mei pauperis & desolati mendici, ad te humiliter gementis. Si igitur in patientia & longanimitate perseveraueris, nec propter modicam tribulationem à fide & castitate, quæ est in Christo Iesu, declinaveris; profectò reuertetur ad te splendor gratiae eius, & illuminabit te copiosius. Eritque multo charior dilectus reuertens, quam si nunquam absens fuisset. Non enim est irrevocabile verbum: nec sic offensus est, vt iam ultra nequeat reconciliari. Placabitur citius & facillimè, dummodo tu operam dederis, & cauere melius, & satisfacere matruis spoderis. Si his salutaribus monitis acquiescis, erit tecum dilectus sicuti prius, & ex illius præsentia iucundaberis, & dices: *Quam magna multitudo dulcedinis tua.* Psal. 30. Domine, quam abscondisti timentibus te. Perfecisti eis, qui sperant in te, sub umbra alarum tuarum proteges eos. O Sion renouaberis, Isaiæ 62. & videbis inclytum tuum, qui regnaturus est in te. Ipse est Rex Psal. 67. virtutum, & dilectus tuus; cuius posteriora in pallore auri; sed caput eius aurum optimum. Hec pro tua consolatione, perpau- D. m. 2. cis sint dicta. Reliqua verò de dilecti mutatione promissa, qualiter nunc videlicet appetet, nuncque discurrat, sequenti narratio- ne ab ore eius suscipies & audies.

CAPVT XVII.

De responseone dilecti, qua sit ratio recessus sui.

3. **M**irabilia opera tua, & anima mea cognoset nimis. Quid est di- Psal. 132. lete mi, quia sic fecisti mihi? Ut quid me derelequisti? re- sponde mihi. Reliquisti me, & abiisti. Sed & denuo repedasti. Et in hoc bene fecisti. Si non citò venisses, penè defecissem. Sed misertus es mei conscius secretorum meorum. Etenim tristis eram ex recessu tuo, & nunc pro tua reuersione consolata sum. Dic tamen aliquid ad doctrinam meam, quid boni in hoc prætestisti? Quid te iuuat sic discurrere, & me affligere? An te audire delectat. Mane Luca 2:8. nobiscum Domine, quoniam aduersus te? Veni, & sede in medio

nōstrum ; quia ecce ego & alius quidam discipulus , te audire cū pimus , & obsecramus , vt doceas nos . Dic fidenter , quod placuerit ; & ad me , si vis , verba tua conuerte . Nullum libertius quām te audio loquentem . Et si quis alius loquitur , propter te qui in colloqueris , sermo eius mihi gratus & audibilis efficitur . Erunt igitur eloquia tua dulciora mihi super mel & fauum , vincunt enim omnem suauitatem verborum . Sonet iam vox tua iu auribus meis .

*Isaie 63.
Isaie 45.*

Psal. 7.

Sap. 11.

Psal. 48.

2. Intonuit ergo vox dilecti mei , & dixi ; Ego , qui loquor iustitiam . Quis similis mei in consilio & prudentia ? Quis fecit mare & aridam ? Ego Dominus , formans lucem , & creans tenebras . Qui intravit abyssum , & de profundo eduxit aquas ? Ego Dominus , scrutans corda & renes . Quis cognovit omnia nouissima & antiqua ? Ego Dominus , qui feci omnia in numero , & pondere , & mensura . Ego creator cœli & terræ , rex oraniū sacerdotum . Ego cognitor secretorum , & occultorum reuelator . Ego venientia complector , & singulorum causas intueor . Ego Deus & non mutor ; apud quem omnium mutabilium stant immutabilitates . Ego Deus omnipotens ; cuius potestas insuperabilis . Ego altissimus , cuius altitudo inattingibilis . Ego bonitas , cuius entitas incapabilis . Ego præsentissimus & secretissimus . Ego intimus , & à sensibus remotissimus . Ego omnia sine onere porto , cuncta sine dissensione rego . Ego præterita simul & futura , & quæ intueri ut præsentia . Ego omnem corporalem pariter & spiritualem excedo creaturam . Ego varijs modis nominabilis , nulla tamen cogitatione verè conformabilis . Ego subito compareo , & mox dum nescitur latco . Verè ego Deus absconditus , qui mille modis dispenso vices meas cum amantibus .

3. Et dixi etiam hæc ad amantem animam : Abscondam faciem meam ab ea modicum , ad momentum eam relinquam , videam si castè diligat . Multum est castè diligere , quia hoc est , non propter seipsum me diligere ; non propter aliquid temporale commodum , vel spirituale solatium : sed me solummodo propter me , & se finaliter propter me , & ob aliud nihil sperandum à me . Non est omnium sic me amare : sed est solius perfectissime animæ , hæc prærogativa casti amoris . Quæ autem adhuc imperfecta est , necesse habet frequenter probari & excitari ; vt sciat quantum diligat , & si usque ad contemptum sui . Dixisti enim in corde tuo : Profetò diligo ; & id ipsum frequenter repetis , quia diligo . Sed non tantum verbis vel cogitationibus credo : etenim tē in veritate probabo .

4. Cū præsens sum & blandior , cū devotionem tribuo , aut datam augeo , cū tantum prospera , aut pro maiore parte iucun-

da



da præfero, tunc deuotè dicas: dilecte mi, diligo te. Et bene dicas. Sum enim amabilis valde; & omnia, quæ de me dici aut cogitari possunt, amabilia sunt, & dulcia, atque laudabilia in secula. Sed & in benefactis solum me amare & laudare, quid grande est? Nam & peccatores hoc faciunt. Evidem me sæpe benedicunt, cùm acceperint, quod male cupiunt. Sed non est speciosa laus in ore peccatoris. Qui ergo propter beneficium aut consolationem me dilit, quid amplius auaro facit! Proficias, proficias, & ad perfectiora ascende. Pigeat semper debilem & mollem esse; disce solidum edere cibum, non lacte parvulorum diutius vesci. Transi ad numerum fortium Dauid, tenentium hastam, & gladium, & clypeum. Tolle crucem, & sequore me. Festina inter illos computari, qui diuersa grauamina, & multa exilij genera, pro me sciunt portare. Nimis inclinaris ad consolationem. Probare ergo te volo, & inclinare ad latus aliud; vt experiaris, quid pati possis, ne tibi innocens & sancta videaris. Mittam super te tribulationem, & iram, & indignationem, immissionemque per angelos malos. Alij, quæ tua sunt, tollent; alijs, quibus indiges; negabunt. Alij tibi detrahent; alijs in facie resistent. Alij graue iugum imponent: alijs ducent, quod tu non vis. Alij exterius & alijs interius te affligerent. Alij assumentur ad statum & honores, tu relinquoris ad contumelias & labores. In omnibus his & maioribus probaberis; vt athleta fortis. Recedam nec dimittam, quin diligenter te examinem, si in facie mihi benedixeris. Quod si in toto corde me dilexeris, & in omni tempore nomen meum benedixeris; dignum est ut amodo sponsa voceris, & secretum apud me cubiculum obtineas. Quod si necdum virgam meam portare sufficis, sed hanc disciplinam minus amabilem censueris, lugens multis diebus absentiam meam, quam affectanter & sedulò petis, mittam tibi baculum meum, ut surgas: & post hæc veniam, & suscitaberis ad pristinam gratiam. Nolo enim, vt omnino deficias, quia ego amantem me diligo. Et si nondum perfectè diligis, non tamen parvulam contemno: sed curabo, vt crescas. Cura est mihi de te, vt bene habeas; nolo ergo, vt de me hæreas.

5. Scio quidem, quantum pati valeas, & ideo tempero vices meas; ne supra id, quam possis sustinere, tenteris & deficias. Quod si moram fecero, expecta me usque in diem visitationis. Veniens veniam, & promissioni meæ satisfaciam. Tu autem orationi incumbere, sacræ lectioni intende, & in omnibus patientiam & longanimitatem tene. Nec enim ignoro, quia interim in macerore existis: sed tam subito infirmari, & ab omni spe deficere, quasi non essem redditurus, non placet utique mihi. Vbi est fides tua? Magna fide opus est tibi in hac parte maximè; quia & si me non vides, videris.

deris tamen à me, cui te & omnia tua credere deberes. Licet namque iudicia mea ignores, dicit tamen firma fides: Bonum est, quicquid disponit & operatur Deus. Consolor igitur te, quia infirmitas hæc non erit ad mortem, sed pro gloria Dei. Abstuli à te desiderium tuum, & volui tentare fidem & dilectionem tuam. Feci enim hæc omnia, ut tuam infirmitatem apertius scires, & meam bonitatem magis intelligeres. Non te bene nosti, sicut & ego noui. Ego te & omnia tua noui, non modò ex tempore, sed ab æterno. Agnoscere ergo quid ex me tibi veniat; vide quam pauper ex tuo sis, si quando à me relinqueris. Nōdum in vera tui cognitione plenè profecisti. Et quia expedit plurimum hoc tescire, volui ut experimento disceres. Bonum est tibi, quod aliquando desolaris, quod tribularis, quod humiliaris; ut sic propriam manifestius palpes infirmitatem. Ego noui hanc magis venire ad profectum tuum. Si ex hac prudentior & solicitior fueris ad singula, quid perdidisti? Arrogans es plerumque, & in scia tui putans te habere bonum, quod non habes.

6. Deciperis amore proprio; & dum non cogitas datorem, abutris dato. Ego inebriaui te sed obliterata es, quia de vite mea botrus erat. Experire modò teipsum, agnoscere quid virium habeas. Si ex te est, quod habuisti, cur non tenuisti? Si nec illud tenere potuisti, cognoscere, quia desuper accepisti. Da ergo honorem gratie, & confidere, quia sine me nihil potes facere. Considera, quam necessarius sum tibi, quam sufficiens & solus potens, in omni bono te confirmare. Vbi eras, priusquam te vocarem, nisi in peccatis tuis? Et nunc ubi es, nisi quod perduxisti te? Sed & quando tibi bene erat sine me?

7. Et dixi: Nunquam dulcissime Domine. Tu solus unicus & singularis dilectus meus, in omnibus & præ omni fidelissimus. Quare igitur cogitasti apud te nō recte, ut ires post amatores alios? Quid tibi displicuit in me? Numquid gloria mea, aut pulchritudo mea? Verè Domine, non est similis tibi in pulchritudine & in gloria, in diutinis & potentia, neque talis in cælo neque in terra. Tu es enim solus altissimus super omnem creaturam. Tui sunt cæli, & tua est terra, orbem terræ & plenitudinem eius tu fundasti. Multum est, quod creaturis donasti. Ex quibus magna pulchritudo, sapientia, & bonitas tua relucet; sed nihil in comparatione beatæ & gloriosæ præsentiae tuæ. Experientia nunc didici, quia amarum mihi est, vel ad horam te reliquisse.

8. Ad me ergo reuertere, dicit dilectus tuus. Satis est, quod hucusque circūcursasti. Disce stabilis esse & mitis, sperans & fidens in me, non tantum in die visitationis, sed abundantius in nocte tentationis. Ego dimisi te, ut fatigata citius ad me redires: & fru-

Hier. 2.

strato



strato exteriori solatio demum intelligeres, quid tibi contulit dilectio mea, quæ toties inuitauit te . Aduerte itaque nunc , (quia ratione non caret) quòd nonnunquam relinqueris, quòd sine affectu manes, quòd tædio afficeris, quòd temptationibus fatigaris, quòd hinc & inde affligeris, quòd consilium non inuenis, nec auxilium sentis, sed angustiam vndique & egestatem pateris . Ideo relinquo te, vt cognoscas meam præsentia tibi fore necessariam, non modò in vna re, aut in maxima tantum causa ; sed in omni profecto actione , in omni loco & tempore , tam manè quam serò & vbicumque fueris, ieris, vel steteris . Sic quidem instrueris sollicitè ambulare cum dilecta tuo, & à vanis abstinere , offensaque cauere.

9. Relinquo te, vt scias quantum diligas me, hoc est appareat *Mich. 6.*
 tibi modus dilectionis tuę . Fortiorem te & beatiorem putabas,
 quam eras; sed evidentius patuit, auxilio meo tibi paululum sub-
 tracto, quia egens fuisti & misera . Quomodo cognoscetur dilec-
 tio tua, nisi cùm mansuetè portaueris grauamina? Interdum te
 video tepecentem , sed vt susciteris ad ferorem & querendi di-
 ligentiam, abscondo me ad horam , tanquam dilectus stans post
 parietem . Video, & scio omnia; sed exercitatio ad multa utilis,
 maiorem dat sèpe intelligentiam . Etiam si me diligis, vtiq; quæ-
 rere non tardabis . Si placebo, indagare curabis . An ignoras, quia
 laboriosè acquisita diuitia, tenentur magis studiosè? Cui & quæ
 optata requies, sicut fatigato? Cui tam iucundus amor, nisi in quo
 præcessit amati dolor? Et reinuentus thesaurus, nónne bis chæ-
 riior est quam prius? Duplex gaudium & geminata redit lètitia,
 de intermissa dilecti præsentia . Utiliter igitur me subtraho, quia
 non dedignando hoc ago, sed pia quadam dispensatione sic cum
 amantibus ludo . Sufficiat pro præsenti, quia tantillum audire me-
 ruisti . Do autem licentiam toties ad me reuertendi, quoties tibi
 senseris opus esse . Ego nunquam clausi viscera mea, humiliter &
 seriosè deprecanti.

*Cant. 2.
Isaia 2.*

CAPVT XVIII.

De fiducia diuina miserationis.

I D Eus meus, misericordia mea, & ideo non sum confusus . Non vi-
 deatur cuiquam absurdum, si cupiam cum Domino Deo
 meo frequenter celebrare colloquium; cuius benignitas me pigrū
 sèpe trahit & accendit ad orandum & meditandum, ita vt eius
 non respondere vocibus, durum mihi sonet & ingratum . Sed di-
 cit forsitan aliquis contra me: Ergo nec tu times Deum, cùm sis
 reuera peccator immundus, & vita ipsa indignus? Vnde tibi hæc
 præsumptio cordis? Et cum sis omnij minimus & despectior vni-
 uersis, quid adhuc te diuinis colloquijs ingeris? Quæ teipsū facis?

*Psal. 58.
Isaia 58.*

Hh 4

2. Di